



Zwergalserin

Rundbrief für Kinder

Nr. 9 ■ Oktober 2023



As Jahr is fast umme. Da Hirscht
- da Herbst - stäht vor da Dia. Da
Herbst is de Zeit vom Abschied
nehma und von da Am: Mia
verabschiedn uns vo de langa
Dog, da Wärm und
de Summaferien.



Da Bauer verabschiedt si vo de Früchte
de auf seim Feld gwachsen san und de
Gärtner vo de Bleamal im Garten.

Manch oana vo eich hod si
vielleicht vo da Kita oda am
Kindergarten verabschiedn
miassen oda vo da Schuiklass.



Mia verabschiedn uns aa vo vui Viechal. A paar Viechal
vakriachan se und machan an langa Wintaschlaf und andere
fliagn weit, weit weg in Länder, wos wärmer und gmiatlicher
is, wia bei uns im Winta.

D´Leit sogn, dass an Herbst vom Lebn gibt. Des hoast, dass ma scho ganz, ganz lang auf dera Welt lebt und schon ganz vui gseug und erlebt hod. Leid, de im Herbst vom Lebn san, de miassn si aa manchmoi verabschiedn. Vo da Kraft, vo da Gsundheit, vo da Haarfarb und vom Beruf.



Aba wias hoid imma und allerweil is, is a Abschied imma aa a neier Anfang! Mia gfrein uns auhn Winter. Do kann ma vui Spaß hobn. Da Bauer und da Gärtner machan guade, scheene Sachan aus seine Feldfrucht und Bleamal.

Du findst sicher neie Freind im Kindergarten oder in da Schui und de Zugvogerl, de Vogerl, de furt flagn, de gfrein si über eana Zeit im Wama.





Und de Leid, im Herbst vom Leben? De miassn si vo Freind und Familie do auf da Erdn verabschiedn. Irgendwann. Wenn dKraft nochlosst, wens miad san. Aba fia jedn von uns is im Himme a Wohnung reserviert. Beim liabn Gott. Und do treffans dann alle de wieda, de vor eana ganga san und wartn auf uns. De Katholiken hobn sogar an Feiertog, wo ma an alle dengan, de scho im Himme wohnan. „Allerseelen“ hoast er und er is immer am 02. November.

Du siehgst scho: Koa Abschied ohne an neien Anfang! Mia seng uns boid wieda.

Dei Schnuffi Mankei, Leo Löwe und de Imp.

Herausgeber und Verleger:

Förderverein Bairische Sprache und Dialekte e.V.
Salzburger Str. 62a, 83435 Bad Reichenhall
Telefon: 08651-7680098
E-Mail: info@fbsd.de
Internet: www.fbsd.de

Bild, Grafik und Text:

Birgit Hackl, Baldham
Claudia Geisweid, Altomünster